

**Johannis Gaubii epistola problematica, prima [-tertia] / ad ... Fredericum
Ruyschium.**

Contributors

Gaubius, Johannes, active 1695-1720.
Ruysch, Frederik, 1638-1731.

Publication/Creation

Amstelaedami : Apud Johannem Wolters, 1696.

Persistent URL

<https://wellcomecollection.org/works/hqkcv5qv>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

TRACT 10





Digitized by the Internet Archive
in 2019 with funding from
Wellcome Library

<https://archive.org/details/b30768986>

JOHANNIS GAUBII
EPISTOLA
PROBLEMATICA,
PRIMA,

Ad Virum Clarissimum

FREDERICUM RUY SCHIUM

M. D. Anatomiae ac Botanices Professorcm.

D E

Pilis , Pinguedine , Septoque Scroti ; Nec non de Pa-
pillis Pyramidalibus ; ut & de Corpore Reti-
culari , sub Cuticula sito , &c.



AMSTELÆDAMI,

Apud JOHANNEM WOLTERS, 1696.

ПРИЧАСТИЕ СВЯТОГО

АНОНТЫ СИСТЕМЫ

АЭРТАМСКОГО

ЗАЩИЩЕНЫ

СОВЕТОМ ПО ОБРАЗОВАНИЮ

ПРИЧАСТИЕ СВЯТОГО АНОНТА

СИСТЕМЫ

ПРИЧАСТИЕ СВЯТОГО АНОНТА



ПРИЧАСТИЕ СВЯТОГО АНОНТА

ПРИЧАСТИЕ СВЯТОГО АНОНТА

Nobilissime ac Præclarissime

V I R.



Onsideranti, animoque subinde volantí, quæ in publica nuper à Te, Clarissime Vir, habita Anatomices demonstratione vidi, quæque ex Te ipso hausi, & tacitè observavi, summam non tantum præbuisti mihi admirationis ansam, verùm etiam, ut ea paullò exactius examinarem, ac in scientia hac tam nobili tamque excellenti nonnullos facerem progressus, calcar mihi addidisti non exiguum. Ita omnium Spectatorum oculos & animos in Te convertisti, ut, si non cuncti, plurimi saltem, & quidem Doctissimi (ubique enim & omni tempore multi dantur Thysigeri, pauci verò Bacchi) maximo cum applausu & approbatione demonstrationem hanc demirati fuerint. Et certè, quem non in admirationem rapuisset insolita isthæc Corporis Contemplatio, elegantissimam viventis instar præ se ferentis faciei formam, quæ floridissimo colore perfusa, & quasi ex albo rubroque mixta, verèque rosea, sine fuco & fallacia cuilibet arridere videbatur?

Quod si quis accuratius mecum incorruptam illius perlustret & perpendat conservationem, haud inficias ire poterit, nihil quicquam simile in corpore unquam fuisse tentatum atque exhibitum. Quàm scitè & affabré totius corporis Venæ conspiciebantur integræ & illæsæ, membraque omnia flexibilia, quanquam solida & dura! præterea Viscera, quæ aliâs, quod fidem superare videtur, corruptioni obnoxia & facilè putrescere solent, Viris Principibus conspicienda præbuisti, integra, incorrupta & conspectu amœna. Ut cætera multa, rara equidem & præclara à Te exhibita, silentii velo tegam, notiora quippe, quam ego, meique similes, satis dignè illa exprimere valeam: Ac ne pluribus ambagibus has meas exiguo stylo exaratas lineas exornem, Teque Vir Clarissime, ut par esset, summis laudibus extollere videar, quod doctioribus & eloquentioribus, me, Viris relinquo, majorem in partem peto, ut calamo meo faveas, si rudi tantum Minervâ dixerim id, quod res est. Mirari interim noli, Vir Clarissime, quòd illotis, ut ajunt, manibus ad Te accedere, Tuaque pro tenuitate ingenii mei, quasi

E P I S T O L A

ad examen revocare , ac nodorum quorundam difficultatem Tibi objicere sustineam. Quandoquidem singularis Tua erga me humana-
nitas & benevolentia , quâ ad Dissectionis Tuæ Anatomicæ inspe-
ctionem aditum mihi patefecisti , animum mihi addit , largamque
aperit januam , ut omni mihi modo persuadeam , Te fiduciam hanc
meam , non sinistrè interpretaturum , verùm comi benignoque ex-
cepturum esse animo. Facilem proinde Te mihi præbeas , etiam
atque etiam rogo.

1°. Ostendisti nobis , Vir Clarissime , Glaudulas miliares cuta-
neas , partim per Cutim dispersas , partim verò sub ea confitas.
Manet itaque difficultas , *Utrum Pili ex illis emergant nec ne?*

2°. Demonstrationis quoque copiam dedisti omnibus spectatori-
bus , Scroto humano , peculiari & planè novo indurati artificio,
tamque ritè præparati , ut varia distinctè magis in eo apparerent ,
quàm in ulla alia corporis parte , vel in ipso Scroto subjecti cujus-
dam recens defuncti. Si absque incommodo fieri potest , à Te ,
Vir Præstantissime , doceri desiderarem , *Utrum dictum hoc Scro-
tum publicè exhibitum , Eunuchi (qui tamen hisce regionibus
rari) fuerit , an verò hominis testibus non viduati? quoniam , si
benè memini , pinguedine in totum haud erat privatum ; & quod
tanto magis mirabar , sepimento præter futuram , in duas partes
divisum mihi videbatur scrotum. Quotquot per volvi Auctores ,
omnes quidem profitentur sub cute Scroto quandam Δάγτον dictam
latere Membranam , nullâ planè Membranæ adiposæ facta men-
tione. Cuncti enim uno animo convenire videntur , omni pingue-
dine , Testibus in-tegris , Scrotum esse destitutum. Facile igitur ex-
cusabis , Vir Clarissime , quòd non sine ratione admiratus fuerim , cùm
observati jam traditi , nullam omnino mentionem factam fuisse , de
prehenderem , sub cute nimirum Scroto latere Membranam Adiposam ,
sicuti in cæteris exterioribus corporis partibus , Pene solo excepto , ve-
rùm simpliciter solummodo adverti , carnosam ad Scrotum contra-
hendum ac corrugandum aptam Membranam Δάγτον. Inter eos ,
quos hac de materia evolvi Auctores , Vir Clarissimus est Veslin-
gius , cuius hæc sunt verba : *Sed enim propendentia cum Testibus
vasa seminalia studiofa securitatis natura Membranoso veluti sac-
culo abscondere voluit , quem Scrotum appellant , in medio Lineâ ,
tanquam futurâ divisum. Non simplex tamen hujus compositio ,
nam & cute constat , cui cuticula sua jungitur , & Membrana
Carnosa , quæ tenuior hic quidem , sed cuti firmiter annexa , quo-*
col-*

P R O B L E M A T I C A.

5

colligere se juxta cum illa, corrugarique facilius possit, &c. pag. 91.

Sicut & Vir Clarissimus Andreas Vesalius, qui sequentia de Scroto tradit: *Testes itaque, inquit, pluribus tunicis seu involucris integuntur, aliis quidem utrius Testi communibus, aliis autem privatim singulos Testes involventibus.* *Cutis enim & carnosa membrana ambos Testes non secus quam Universum corpus amplexantur, & duo illis communia statuunt, involucra:* *Cutis quidem unum, quod reliquâ corporis cute tenuius est, & velut sutura quadam & rugis interstinguitur: ac quibusdam Scrotum, quibusdam verò (qui se latinus loqui existimant) Scortum, Græcis verò ἄντες dicitur.* Alterum autem carnosa efformat membrana, hic perinde ac Cutis, longè quam in reliquo corpore tenuior, sed venis frequentioribus, intertexta: pag. 639.

Item Vir Clarissimus & Anatomicus Accuratissimus Spigelius, cuius hæc sunt verba. *In infima sede lineam habet secundum longitudinem excurrentem, qua in dextram sinistramque partem dividitur & sutura vocatur:* cap. xvi. lib. 8.

Cùm autem planam & dilucidam satis difficultatis hujus explicationem in dictorum Authorum scriptis invenire non potuerim, ad Recentiores me convertere, eosque pervolvere statui; Inter quos Diligens Anatomicus Dominus P. Blasius, primum tenet locum, qui hac de materia sequentia reliquit; in Miscellaneis Anatomicis hominis brutorumque, &c. ubi loquitur de Numero Scroti, cap. x. *Unum est, dicit, in medio Lineā quādam distinctum.*

Item D^{us}. Phil. Verheyen Professor Lovaniensis, quem præ cæteris legendum, mihi commendasti. Ejus hæc sunt verba: *De Scroto, loquentis. Dividitur in partem dextram & sinistram lineā intermedia, quam suturam vocant, quæque ob vasa ibidem concurrentia in sectione Scroti, vitari debet,* &c.

His adjunxi quoque elegantissimè pictas Tabulas Professoris Lugd. Batav. G. Bidloo, qui Parte tertią de delineatione Scroti his utitur verbis. *Forinsecus Testes extra abdomen propendentes Scroto vestiuntur, laxa æque ac plicabilis membrana, exterius atque interius sutura per ejus longitudinem excurrente, divisa, plurimisque vasis intertexta,* &c. Sed in nullo ea ipsa, quæ publicè nobis demonstrasti, deprehendi, ita ut ad Auctorem ipsum, ex quo hæc emanasse, audivi, me conferre necessarium duxerim, ut inde clariorem hujus rei explanationem haurirem, certoque cognoscerem, num forsan iis in Auctoribus nonnulla ad claram distinctam que per-

ceptionem necessaria præterierim, vel clarè satis non intellexerim.

Proinde horum omnium à Te, Vir Clarissime, dilucidiores petere ausim explicationem, ut & modum præparandi Scrotum, quo illud in conspectum veniat Septum, ut & pinguedo. Præterea, me dudum Corporis reticularis Malpighii, ut & Papillarum pyramidalium, verum Tactus organum, desiderasse demonstrationem, libens fateor; de iis non raro quidem hinc & inde aliquid legi, sed clarè & perspicuè illas in subjecto conspicere, nunquam antehac mihi data fuit potestas.

Fateri quoque cogor, me nunquam distinctius vidisse Spinalem medullam, constitutam scilicet esse ex meris innumerisque fibris, tenuissimarum membranularum ope, sibi invicem cohærentibus, quam in publica demonstratione, eò tempore habita.

Hæc sunt, Vir Clarissime, quæ planioris explicationis ergo Tibi proponere non erubesco, petitione me frustrari nolis, vehementer rogo. Est interim, cur gestiam, quod Anatomicis Tuis demonstrationibus hactenus interesse, indeque fructum & emolumentum certè non exiguum, capere, mihi data fuerit facultas. Multò magis autem mihi gratularer, si in juventutis Artis Medicæ usum ea delineare, (innumeris licet districtus negotiis) non gravareris; Ut ea, quæ adhuc in obscuro latent, Tuā operā & studio, majori facilitate comprehendī & addisci possint. Quod si facere non recusaveris, multùm certè gloriæ & ornamenti Nomini Tuo appones, ac studiosorum omnium animum voluntatemque Tibi devincies maximè.

Quod ad me, Vir Clarissime, sempiternâ memoriâ benevolentiae Tuæ erga me beneficium colam, illudque altâ manebit mea mente repostum, ac nomen Tuum re ipsâ atque animo semper gratissimo prosequi, nunquam desinam.

Valeas interim, Clarissime Vir, & divino aspirante Numine, rebus humanis, huic denique Literario, diu superfis. Vale iterum, meque Tui studiosissimum inter eos, qui toto Te pectore venerantur, habeto.

Nobilitati Tuæ

Amstelædami ipsi
Calend. Septemb.
M.D.C.XCV.

Addictissimus & Observantissimus

J O H . G A U B I U S .

F R E-

FREDERICI RUY SCHII
RESPONSIO,

Ad Eruditum

D^{num.} JOHANNEM GAUBIUM,

Philomedicum, de Epistola Problematica prima.

Ornatissime Vir,

MEntis tuæ candor & generositas , mihi satis superque perspecta , pro me ipso verba faciunt , meque excusant , quod in hoc primo literarum congressu , absque ambagibus , verborumque ornatu , ad literas tuas ipsis Calendis Septembribus , ad me datas , propter occupationes multifarias , serius quam volui , respondeam. In illis Vir Ornatissime nonnulla video proposita , à me in nuperrima Anatomia , publicè in multorum conspectu exhibita & demonstrata , quorum dilucidiorē desideras explicationem. Doleo interim , quod objecta nimis à te diffusa & remota , Oculorum acie vix ac ne vix quidem attingere potueris ; in publica enim demonstratione minutiae tam accuratè à nonnullis spectatoribus conspici nequeunt , nec datur tempus unicuique speciatim ob oculos ponendi , quæ publicè tractari solent. Proinde dissectionis eorundem subjectorum continuationem meis in ædibus instituere mihi animus fuit , (quoniam publicis in demonstrationibus unicuique satisfieri omnino nequit ,) & quidem in meorum discipulorum usum & fructum , nec non eorum , qui neutrī quam aliena & sibi ignota Theonino dente rodere gaudent.

Interim temporis successu , si quid rari in meas inciderit manus , ipsis quoque dissectioni privatæ interesse , dabitur forsan occasio.

Verūm , ut petitioni Tuæ , Vir Ornatissime , satisfaciam , ad propositas Tuas mihi quæstiones me conferam.

In prima itaque propositione rerum novarum desiderio captus , ex me audire anhelas , *utrum Pili è glandulis Scroti emergant nec ne?*

In prægressa publica nuper demonstratione , luce meridiana manife-

8 FREDERICI RUY SCHII

nifestius indigitavi Vaginulas Pilorum plurimas productiores esse, quām ipsæ glandulæ, nt ex adjecta Fig. Prima, Lit. A. notata liquet.

Vidimus quoque tunc temporis dictas Pilorum Vaginulas, nullis glandulis iustructas, ut ex Fig. Prima Lit. B. videre est: quod mihi persuadet, & firmissimo indicio est, radices Pilorum non semper è glandulis cutaneis emergere, vel inde exortum habere; eo magis, quod vidimus aliis in locis Pilos tam profundas agere radices, ut è pinguedine ipsâ originem habere videantur.

Quoad secundum propositum, Scrotum nuper exploratum hominis erat perfectæ sanitatis, Testiculis haud viduati, in cuius parte superiori pinguedo, ut ex Fig. 1. Lit. C. & Fig. 2. Lit. E. patet, sese videndum exhibebat, quod in obesis non rarò observavi; in parte autem inferiore nequaquam: Pars tamen Scrotri interior ita disposita est, ut aptasit pinguedinem recipiendi, & cōercendi, non minus enim sub ejus cute latitat membrana adiposa, quām in aliis corporis partibus; quamvis hīc maxima ex parte pinguedine destituta sit, cellulis adiposis sibi ita incumbentibus, ut membrana hæc nil minus, quām cellulosa, videatur: Quod si autem flatu hæc membrana extensa exsiccatur, & post exsiccationem in lamellas dissecetur, cellulæ dictæ, Fig. 3. Lit. nimirum H. signatæ, in conspectum producuntur. Idem videre est in cunuchis, quorum Scrota non rarò ab undiquaque parte pinguedine sunt infarta. Dicta hæc membrana adiposa insuper carneas habet intertextas fibras, ut Figura 3, Literæ G. G. indicant, quarum beneficio Scrotum contrahitur, corrugaturque; quæ fibræ proinde ansam Anatomicis præbuere, ut toti membranæ carnosæ nomen imposuerint.

Quod ad tertium: Ostendimus quoque in supradicta demonstratione Scrotum illud septi beneficio in duas dividi partes, de quo nil apud Vesaliū, Bartholinū, Verheyen, de Graaf, &c. Viros de re Anatomica alias satis bene meritos; & quid mirum? Quandoquidem omnia circa Scrotum Hominis recenter denati, adeò sunt lubrica atque mobilia, ut difficillimè vera septi constitutio appareat: Quapropter, si quis hoc demonstrare satagit, inflandum est Scrotum, & post exsiccationem aperiendum, quo facto sese videndum exhibit septum Scrotri, ut ex Fig. 1. Lit. D. notata liquet; estque hoc dictum septum Vasis sanguiferis in numeris perfusum. Vid. Fig. 2. Lit. F.

Quod quartam attinet propositionem de Reticulari corpore Malpigiis

R E S P O N S I O. 9

pigii, sub cuticula sito. Nomen illud ab Inventore Clar. Malpighio fortitum est, qui primus jure merito habendus est detector, Vir, dum viveret, in Anatomicis exercitatissimus. Vix ac ne vix quidem in conspectum venit dictum hoc Corpus Reticulare, nisi post macerationem in spiritu vini: Vixque demonstrari potest vulgari Encheiresi, & communi dissecandi modo, multò minus Papillæ pyramidales, particulæ, quas Anatomiz Professores siccо quasi pede in dissectionibus transfire solent, quamvis studiosis Medicinæ scitu & visu adeò necessariæ censendæ sint, propter earum usum, quem præstant, ut neutiquam in administrationibus Anatomicis, præsertim privatis, sint negligendæ. Veram hujus Corporis Reticularis & subcuticularis delineationem Microscopio visam, designat Fig. 4. ut & Papillas pyramidales Fig. 5. Fig. autem 6. indicat Corpus Reticulare, sub cuticula situm, naturali magnitudine duplo circiter majus. & Fig. 7. Papillas pyramidales duplo pariter majores. Interim; si me, Vir Ornatiſſime, invisere dignaberis, omni tempore in iisdem nuper exhibitis subjectis, à biennio conservatis, hæc & similia de novo conspicendi, prolixa tibi dabitur occasio. Hisce curiositati Tuæ, Vir Ornatiſſime, me satisfecisse puto, Vale interim, & me studiis tuis optimè velle, certò Tibi persuade,

Datae Amstelod.
die 4 Octob. 1695.

F R. R U Y S C H I U S.

M. Dr. Anat. ac Botanices Professor.

B

E X.

EXPLANATIO FIGURARUM

TABULÆ PRIMÆ.

FIG. I.

Scrotum humanum post inflationem exsiccationemque parte superiore apertum, indigitat.

- A. A. Vaginulæ & radices Pilorum, glandulis cutaneis productiores.
- B. Vaginulæ & radices Pilorum, glandulis cutaneis privatæ.
- C. Pinguedo in parte superiore Scroti.
- D. Septum, Scrotum in duas partes dirimens.

FIG. II.

Septum supradictum Vas sanguineis innumeris ditatum & exsiccatum representat.

- E. Pinguedo in cellulis coërcita.
- F. Vasa sanguifera per septum dispersa.

FIG. III.

Faciem interiorem Lamellæ dicti Scrobi exsiccati denotat.

- G. Fibras carneas demonstrat.

H. Cellulas adiposas flatu extonias.

FIG. IV.

Corpus reticulare Malpichii, sub cuticula locatum, Microscopio detectum.

FIG. V.

Agmen processuum papillarium cuti inherentium, Microscopio detectum.

FIG. VI.

Dictum Corpus reticulare naturali magnitudine duplo majus.

FIG. VII.

Agmen processuum papillarium naturalem magnitudinem bis superans.

JOHANNIS GAUBII
ÉPISTOLA

Anatomica , Problematica

S E C U N D A,

Ad virum Clarissimum

FREDERICUM RUYSCHIUM,

M. D. Anatomiae, ac Botanices Professorem; &c.

D E

Artificiosa Scroti Humani induratione, ejusque Vasorum sanguiferorum cursu ac copia; ut &c de Arteriis per costarum periostium, spatia Costarum intercartilaginea, Pericardium, &c. disseminatis.

ИЗУАРДИЧИНО
АЛСТРЭН

БАССОВА СВИДЕТЕЛЬСТВО
АФИФОВА

МОНГОЛСКАЯ КНИГА

О

и д

NOBILISSIME , CLARISSIME ,

Nec non

DOCTISSIME VIR.



Anta Tua erga me est benevolentia & humanitas , ut , unde potius exordiar , Tibique grates quas debo , referam , idoneis mihi verbis destitutus , videar.

Jucundius certè nihil contingere mihi potuit , quām , quod sepositis innumeris & gravioribus , imò absolutè necessariis Tuis negotiis , tam placidā benignāque fronte priores meas inspicere dignatus fueris literas . Est revera , cur gratissimo semper agnoscam animo . Inexpectato quoque tam perspicuam dilucidamque , Tibi aliquot ante dies exhibitarum Anatomices nonnullarum quæstionum mihi , non solùm dedisti explanationem , verùm etiam figurās addere non recusasti , adeòque quidem accuratas , ut nullus , quisquis sit , nisi parùm prospiciant oculi mei , in illis hærere , vel objectionem aliquam formare possit .

Quapropter etiam sequentia hæc Tibi proponere non erubesco , nullus dubitans , quin pro Tua in naturam versa consuetudine & benevolentia , benigno quoque vultu illa sis excepturus .

In præcedenti epistola clarè nobis tradidisti methodum , ut & viam præparandi Scrotum humanum , quo pæcto scilicet conspi ciendæ sese nobis exhibent Scroti Glandulæ , Septum , ut & ejusdem Pilorum Vaginulæ ; cui , si addere quoque dignareris Scroti præparationem , cuius ope vasa sanguiflua in conspectum prodeunt , idque absque Scroti læsione , aut dilaceratione , nos , Clarissime Vir , perpetuò devinētos haberes . Ejusmodi Scrotum humanum corpori adhuc annexum & in Mumiam conversum nuper in privato Collegio Discipulis Tuis ostendisti , non sine omnium admiratio ne . Scrotum illud non inflatum , attamen induratum mihi vide batur ; in eo præterea rugas naturales , ut & Lineam longitudina-

lem, quibus præditum alias est Scrotum hominis, rectâ nimirum valetudine fruentis, non solummodo oblitterati, ut vasorum cursus distinctius lustraretur, verùm etiam nullas contraxit rugas præternaturales. Quod ad colorem naturalem, non multùm ille mutatus, sed ex albo rubroque adhuc mixtus erat, Scroti instar hominis cujusdam perfectioris sanitatis, & quod admiratione præ cæteris certè dignum est, remotis simul cum linea, ut dixi, longitudinali, artificio rugis naturalibus, omnia vasa sanguifera, ne minimis quidem exceptis, facillimè conspici poterant, situm naturalem occupantia. Copiam porrò nobis dedisti videndi Trunculorum majorum id est, ramusculorum vasorum sanguiducorum exortum, & quo ritu illi in Scroti superficie disseminantur, quod nequaquam, meo quidem judicio fieri potest in Scroto, vulgari methodo dissecto, ac in planum extenso; eapropter non miror, quòd nullus hactenus Anatomicorum horum vasorum distributionem perfectè descripsérit, multò minus in tabulis delineaverit.

Ingenuè quoque fateor, Clarissime Vir, demonstrationem de Costarum Periostio, ut & de Membrana Pleura videndi, mediū desiderio flagrasse. Anceps enim hæsi, *Utrum Membranæ Pleuræ pars exterior; seu Lamella costas respiciens, Periostii esset loco,* an verò *Costæ peculiari gauderent membrana immediatè costas internè amiciente.*

Quum Clarissimum Spigelium evolverem, mihi innuere videbatur, Pleuram Membranam costis inservire pro dicto Periostio: Cap: enim tertio Corp: hum: fabr: Lib. ix. hisce utitur verbis; *Non ineptè costalem Tunicam dixeris, (loquitur de Membrana πλευρα) si Græcam exprimere velis appellationem. Est enim Membrana cùm universam Thoracis cavitatem, tūm imprimis costas obcingens;* si mihi Clarissimum Vesaliū, ut & Anatomicum Eximum Bartholinū legere non commendass̄es, in errorem facilè incidiss̄em; Horum enim prior Cap. 2. Fol. 711. hæc tradit; *Cæterum præter hanc Membranam Costas Thoracemve succingentem, singulis costis alia particularis obtigit, quam alteram succingentem Costas Membranam Græcos vocasse, reor, &c.*

Posterior idem asserit, Cap. iv. Lib. 2. Interim & Costæ suum habent Periostium: *Tertia Pleuræ Tunica nonnullis, aliis Circumossatis.*

Quibus verbis dicti Auctores mihi contrarium illius quod ex Spigelii Anatomia conceperam, innuere videbantur. Ex ultima Tua demonstratione autem nobis patuit: *Costas præter Membranam Pleu-*

ANATOMICA PROBLEMATICA II. 15

Pleuram peculiari gaudere Perioftio : Neque hoc solum, verum etiam ostendisti, quo pacto Vasa sanguinea per illud Perioftium sint dispersa, & per Pleuram porrò cursum continuent; quod in nullis Anatomicorum Tabulis hactenus videre licuit.

Magna quoque admiratione conspeximus, Vasorum Intercostalium trunculos non per Membranam Pleuram, neque ejus duplicaturam, verum sub iis decurrere, eosque immediate à Perioftio investiri non minus, ac Costas, quod nunquam ab aliis notatum vidi, quotquot pervolvi Auctores, uno omnes ore asserunt, Vasa sanguinea hæc inter dictam duplicaturam dispergi: Nobis autem, plurimos ramusculos è trunculis Intercostalibus oriundos, ostendisti, præsertim per Lamellam Costas respicientem, ut & paucos per Lamellam interiorem Pulmonem spectantem, nequaquam trunculi autem inter duas hasce Lamellas locantur.

In cadaveribus Tuis, elapso ab hinc biennio, conservatis, observavi porrò supradictos Intercostales trunculos per inferiorem interioremque Co⁴tarum fulcos decurrentes, longè plures, imò innumeros Musculis intercostalibus sboles largiri, quām mihi imaginari potuerim, aut ullus Auctorum manifestaverit; horumque reptatum mirabilem haud sine admiratione contemplari potui.

In eodem præterea subiecto distinctè satis Vasa sanguifera spatia costarum intercartilaginea perreptantia, & præsertim à Vasis Mammariis internis ortum ducentia, conspicienda erant: ut silentio præteream, quo ritu illa per Ossis sterni perioftium & Pericardium quoque disseminentur.

Miror sanè nullum hactenus Auctorem hæc delineasse Vasa; sed quid dico, delineasse? Plures, ubi de eorum ortu agunt, valdè discrepant; & quod plus est, Pericardium quoque describentes, de Vasis ne quidem cogitant.

Inter Antiquos Vesalius: de Hum. Corp. Fabr. Cap. viii. Fol. 728. Hoc (de Pericardio loquitur) nullas ferè Arterias in se dispersas obtinet, neque etiam Venas, nisi per quam tenuissimas, ab illis ferè exortas, quæ interseipientibus Membranis tanquam in Omentum digeruntur, &c.

Andreas Spigelius de hum. Corp. Fab. Cap. v. Fol. 348. Pericardium describens, nullam planè Vasorum mentionem facit, quæ etiam in Tabulis Professoris Bidlo non video.

Andreas Laurentius de Pericardii Vasis hæc refert Cap. ix. fol. 347. *Venas habet communes à Phrenicis & Peculiarem à ramo Subcla-*

Subclavio, quam Capsularem vocant: omnino de Arteriis tacet.

Clarissimus de Marchette, Pag. 113. inquit, *Arterias Pericardium habere ab Arteriis Mediastinis, & propter exiguitatem vix observabiles.*

Doctissimus Blasius in sua Anat. Cap. 2. Fol. 124. sequentia de Pericardii Vasis tradit. *Vasa habet, inquit, omnis generis, Mediastina dicta, Venas à Cava, Arterias ab Aorta.*

Insuper Veslingius in Syntag. suo Anat. Pag. 145. *Pericardium vix conspicuas obtinere Arterias, refert; Cui assentiri videtur Bartholinus Pag. mihi 350. ubi dicit, Pericardium Venas habere parvas, infra à Phrenicis & supra ab Axillari, Arterias autem nullas facile apparentes; Verum quām alienum hoc sit à veritate, in antedictis Tuis cadaveribus sæpenumero vidi. In quibus Pericardia facilè apparentibus & innumeris, miroque insuper reptatu decurrentibus scatent Arteriis.*

Exhibuisti nobis præterea in Cadaveribus Tuis, Glandulam Thymum, in qua clarè ostendisti, quod scilicet Vasis sanguiferis non solum gaudeat parte exteriore, sed & interiore, tantaque insuper copiâ, ut ubique summâ rubidine perfusa esset hæc Glandula.

Ita ut nemo certè contendere audeat, quin in Cadaveribus arte Tuâ præparatis non distinctius quām olim, tam Vasa sanguifera, quām alia innumera conspici possint.

Proinde, Clarissime Vir, nisi iterata mea petitione nimis molestus Tibi essem, omnibus hoc studium colentibus non inutile fore, reor, ut aliquantum temporis ab aliis Tuis occupationibus animum abstraheres, & veram perspicuamque dictorum Vasculorum distributionem per figuræ, publici juris faceres; Ea certè ratione omnibus facem accedes. Vale Clarissime Vir, & mihi meisque conatibus favere perge.

Nobilitati Tuæ

Dabam Amstelædami
iv Nonis Septemb.
M.D.C.XCV.

Addictissimus & Observantissimus

JOH. GAUBIUS.

FRE-

FREDERICI RUY SCHII

R E S P O N S I O

Ad Eruditum

D^{num}. JOHANNEM GAUBIUM,

Philomedicum, de Epistola Anatomica, Problematica II.

Responcionem meam, Vir Ornatissime, tibi haud ingratam fuisse ex ultimis litteris iv. Non. Sept. ad me datis, percepī, in quibus alia denuò & longè à præcedentibus diversa video proposita; & primò affectare mihi videris, ut Tibi communicare velim alteram Scroti præparationem, quâ Scrotum lapidis instar induratur. Id, Or. Vir, perficitur artificiô quôdam tam singulari, ut in eo ultra triginta & quatuor annos desudaverim. Nil enim adeò difficile puto, quam partes corporis humani, & præsertim Scrotum, deletis naturalibus rugis, ut & Lineâ secundum Scroti longitudinem protractâ, ita præparare, & servatô colore, & amplitudine naturali, sine rugis præternaturalibus, lapidis instar, eô modô indurare, ut Vasorum reptatus longè distinctius apparet, quâm in corpore vivo, aut jam demùm defuncto; Proinde facile, ut spero, connivebit Dominus, quòd voto tuo responde-re, Scrotique præparationem supra citatam publicè notam facere nondum induci possim, neque, ut mihi persuadeo, id à me exiges, cùm mecum perpendas, quâm multi dentur, qui instar Corniculæ Æsopicæ alienis superbire gaudeant plumis: Accuratam au-tem delineationem arteriarum anterioris partis Scroti Tibi denega-re nequeo, quam Tabulæ secundæ Figura secunda repræsentat.

Hisce transactis, progredior ad secundam Tuam petitionem, ni-mirum ad delineationem Vasorum per costarum Periostium, ut & Pleuram disseminatorum; equidem benè mones, à nemine hacte-nus id fuisse factum; quatenus in cadaveribus nostris, ultra biennium conservatis, necdum induratis, illa sese videnda exhibent: diffi-

cillimum foret omnia vasa sanguifera per integrum Membranam Pleuram, ut & periostia, per totum thoracem per icones illustrare, quam ob causam particulam aliquam sufficere posse, reor, in qua abunde satis omnia vasa, mirè repentina, videre est.

Integral Membranam Pleuram, ut & eam, quæ omnes costas immediatè obvelat, in duas lamellas separare, vix ac ne vix quidem possibile est; ita scilicet, ut in conspectum producantur omnia Vasa sanguiflua, sine quo cursus per interiore lamellam, costas respicientem, non satis distinctè apparent: Quod si autem cadavera hæc nostra, ultra biennium conservata, indurata, & in Mumiam conversa essent, accuratius id fieri posset. Proinde, Orn: Vir, si harum membranarum particula aliqua arteriis instructa sufficere potest, sicuti in privato Collegio Anatomico hisce diebus ostendi, Tabulæ secundæ figura prima eam exhibet,

Venas non addo, quod, quum Arteriarum sint comites, cunctem observant in hisce partibus cursum, & sic minus in figura obfcuratur reptatus arteriarum.

Quò ad trunculos Vasorum intercostalium, neutiquam illos membranæ Pleuræ, ejusve duplicaturæ, sed costarum periostio inhærere, non solùm nuper indigitavi, verùm etiam dictos jam trunculos à musculorum intercostalium tendinibus muniri ac investiri, demonstravi.

Quo situ trunculi à vasis mammariis internis oriundi per spatiæ costarum intercartilaginea decurrant, & qualis eorum sit distributio non solùm per musculos, spatiæ Costarum intercartilaginea occupantes, verùm etiam per membranam, Ossis sterni utramque superficiem, præsertim interiorem investientem, distinctissimè privatim exhibui in subjecto quodam, in Mumiam converso. In eo conspiciebantur Arteriæ Mammariæ internæ inordinata ramificatione trunculos largiri marginibus cartilaginum Costarum, Variis enim in locis dictas arterias Mammarias non solùm trunculis suis irrigare demonstrabam inferiorem Limbum cartilaginum Costarum, verùm etiam superiorem, secus ac in spatiis interosseis, ubi rarissimè, si unquam, binis trunculis singularem Costam infra supraque ditarí, observavi: In aliis autem objectis demonstravi quoque dictos trunculos intercartilagineos per solum marginem superiorem, in aliis locis, per inferiorem disseminari.

Hinc patet post vulnera in parte Thoracis anteriore inficta, illiusque cavum penetrantia, sanguinem copiosum, non minus posse promanare ex tali vulnere, quatenus pertingit ad Limbum superiorem,

rem, quam inferiorem, secus ac in spatiis interosseis; quandoquidem vasorum Trunculi, sicuti dixi, per utrumque Limbum cartilagineum inordinato cursu sèpè distribuuntur. Authores in confienda Paracentesi cultellum altera parte obtusum cautè commendant, quò minus in illa operatione vasa intercostalia Limbum inferiorem obsidentia, lèdantur, & quia in Anatomicorum scriptis nullæ visuntur figuræ, verum reptatum vasorum sanguineorum per spatia costarum intercartilaginea illustrantes, nec satis exactè quoque Auctores, quem habeant situm, indigitant, plures sibi imaginantur, vasa, spatia Costarum intercartilaginea prospicientia, pari passu ac modo per solum marginem inferiorem decurrere, quod tamen à veritate alienum esse, Tab. secundæ, Fig. tertia designat.

Tertiam quod attinet propositionem, Rectè in ea mones, Ornatissime Vir, arterias per pericardium distributas non tantummodo à nemine hactenus delineatas, verùm eriam à variis neglectas, aut rudiori tantùm Minerva descriptas, neutiquam verò depictas fuisse; id quod nequaquam mirari subit, quandoquidem sub vulgaris cultro Anatomico raro aut nunquam apparent. In cadaveribus nostris ultra biennium conservatis tām distincte eas in Collegio privato indigitavi hisce diebus, ut nihil manifestius in toto corpore demonstrari possit.

Petitioni itaque Tuæ, & in commodum denique Studiosæ juventutis ipsem et delineavi. Vide Tab. 2. Fig. 4. in qua arteriæ pericardiace adeò numerosæ per Pericardium disseminantur, ut per paucæ, si ullæ, partes membranosa reperiantur, copiosioribus arteriis instructæ, & quod monendum; dictæ arteriæ per pericardium distributæ, multò sunt numerosiores, atque in subtiliores ramusculos divisæ, quam dicta figurâ exprimere potui; Arteriæ hæ a quinis locis ortum sèpissimè ducunt, quemadmodum subsequentibus literis repræsentatur in Fig. IV. ubi A. A. arterias Pericardio-Diaphragmaticas designat, à me sic appellatas, quandoquidem illæ non solum Pericardio, verùm etiam Diaphragmati communes sunt: Hæ arteriæ in utroque latere Pericardio annexæ, varios ramulos illi largiuntur. & sic ulterius distribuuntur per Diaphragma. Quò ad exortum, in eo mihi ipsi haud possum satisfacere, cogor itaque hoc differre, donec clarius illud mihi constiterit.

B. B. Ramos arteriosos, à diaphragmaticis arteriis oriundos, sursumque delatos, ac per pericardium excurrentes, denotant.

C. Surculum proponit descendenter, & prodientem à sublimiore parte arteriæ mammariæ internæ, qui variis in locis unitur sur-

culis Pericardio-diaphragmaticis, ut & iis, qui ortum ducunt ex arteria diaphragmatica, oriturque illa à superiore parte arteriæ mammariæ internæ.

D. Conspiciendos exhibit abscissos trunculos à Mediastina arteria productos, quorum ramusculi cum prædictis, variis in locis quoque copulantur.

Notandum interim, quod in omni quidem subiecto Pericardium tot Arteriis sit ditatum, verùm in alio plures emergunt ab hoc, in alio plures ab illo arteriæ trunculo.

Notatum insuper hīc volo, me venas non addidisse, quò arteriarum cursus distinctius possit conspici, aliás enim inter utriusque tam venarum, quàm Arteriarum plexum facile confusa delineatio oriretur.

In quarta denique propositione, Ornatisse Vir, à me exigis delineationem vasorum per Glandulam Thymum disseminatorum; temporis autem penuria hac vice Tuæ petitioni hac in re satisfacere, mihi non permittit, ideóque excusatum habeas peto.

Tuum

F. R. RUY SCHIUM.

Amstelodami iv. Nonis
Novemb.
M DC XCV..

EXPLANATIO FIGURARUM

T A B U L Æ S E C U N D Æ.

F I G. I.

Repræsentat portionem membranae pleurae, arteriis innumeris instruētam, & aciculis in planum extensam.

A.A.A. Ramuli arteriosi ex arteriis intercostalibus oriundi, quorum extremitates miro reptatu per lamellam Pleuræ, costas respiciēt, ut & per periostium costarum, exspatiantur

F I G. II.

Exhibit distributionem arteriarum per Scroti humani partem anteriorem & ut earum cursus distinctius conspectui nostro sese offerat, ablata sunt omnia illa, quæ visum obnubilare possunt, & sic aciculis extensa hæc pars offertur.

A. A. Arteriæ per Scroti partem anteriorem dispersæ, variisque in locis sibi invicem copulatæ; Harum origo est ex arteriis Hypogastricis, Pudendis, & aliis adfisis.

F I G. III.

Conspiciendas exhibet portiones arteriarum mammariarum internarum, cum suis ramificationibus, idque è corpore pueri.

A. A. Portiones arteriarum mammariarum internarum.

B. B. Membranæ Pleuræ, ut & Periostii arteriolæ, posteriorem ossis sterni partem obsidentes.

C. C. Dictarum arteriarum rami per spatia Costarum intercartilaginea dispersi.

D. D. Arteriarum intercostalium portiones abscessæ.

* Earum inosculationes cum iis quæ per spatia costarum intercartilaginea reptant,

E. E. Rami arteriosi, sanguinem non solum per Limbum inferiorem, verum etiam per superiorem derivantes.

F I G. IV.

Complebitur partem Pericardii anteriem, in planum aciculorum ope, expansam.

A. A. Arteriæ Pericardio-diaphragmaticæ.

B. B. Rami arteriosi ex arteriis dia phragmaticis orti.

C. Surculus arteriosus à parte sup eriore arteriæ mammariæ internæ prodiens.

D. D. Rami arteriosi à Mediastina arteria produceti, præter hosce ramos, ditatur quoque arteriis pericardium, partem posteriorem per reptantibus, ex intercostalibus oriundis, quos hic repræsentare haud potuimus, parte scilicet anteriore pericardii hic tantum oblatâ.

E. E. Rami arteriosi pericardio-diaphragmatici per diaphragma disseminati.

JOHANNIS GAUBII
E P I S T O L A
Anatomica , Problematica
T E R T I A,
Ad virum Clarissimum

F R E D E R I C U M R U Y S C H I U M.

M. Doct. Anatomiae, ac Botanices Professorem;

De Arteriis per Cordis substantiam, ejusque Auriculas dispersis, ut & de
egressu Arteriae Aortae è Cordis Tholamo sinistro.

Clarissime , nec non Doctissime

V I R.

SI unquam verum Senecæ illud effatum ; *multum quidem egerunt, qui ante nos fuerunt, sed multum adhuc restat operis, restabitque multum.* Nusquam certè manifestum id magis quàm in studio Anatomico.

Quam latè sese extendat, nulli rectè notum esse potest, quàm qui ipse in illo versatur, operâque sedulâ manus applicat operi; cum primis autem Tibi, Clarissime vir, in Anatomicis adeò desudanti, qui diurnâ nocturnaque manu versare soles Anatomen, nec minutissimam corporis humani particulam intactam relinquis, quo minus accuratè adeo ante oculos omnia ponas, ut plures Anatomici parcè admodum & molli levique brachio de variis corporis humani partibus egisse videantur: Nunquam enim à Te discedo, quin aliquid novi ex demonstratione Tuâ viderim , doctiorque abierim , de quo cæterorum Anatomicorum perplures, vel adhuc inter sese dimicant, vel omnino tacent.

Firmirer mihi hactenus persuasus fui, Cordis Auriculas pabulum haurire & nutriti à majorum vasorum sanguine, in illas copiosissimè irruente: Quotquot etiam hac de materia evolvi Authores, eidem subscribere videntur sententia: Quandoquidem eorum nullus

de

de peculiaribus Arteriis per Auriculas dispersis, scripserit: Cùm autem in privata nuper à Te habita demonstratione non exiguum modò aliquod vasculum, sed vasa sanguislua permulta, & frequenti ramulorum serie, per eas diffusa, arbori que surculos egregiè repræsentantia; nobis demonstrares, haud parùm demiratus fui: ea propter hisce visis, denuò ad Authorum scripta me conferre, consultum duxi, eâ scilicet fretus ratione, num in iis forsan adhuc aliquid detegere possem, quo dubitationis meæ nodus disfolveretur; nam in Authoribus evolvendis, vel attentè satis ad ea non advertisse, vel ab illorum sensu & sententia in totum me aberrasse, opiniabar; verùm post assiduam tandem longamque satis investigationem, & oleum & operam me perdidisse, deprehendi, cùm nullus, quos legi Authorum, quod sciam, hac de re verbulum attigerit.

Est & alia adhuc difficultas, Clar: Vir, quæ hactenus in suspenso tenebat animum, nec à cuius partibus stare deberet, satis sciebat, quam mihi demonstratione Tua in Cadaveribus ultrà biennium nitidissimè conservatis, egregiè discussisti. Ostendebas enim Arteriæ Magnæ Truncum è sinistro Cordis thalamo profilientem, & antequam Arteriæ Magnæ Descendentis nomen adsciscat, varios emittentem ramos, nequaquam autem ita constitutum, uti plurimorum authorum figuræ docent; verùm clarè demonstrabas, quo pacto ille ascendens Truncus post trium, quatuorve digitorum transversorum ascensum, semicirculum quasi efficiens, descendat, nomenque ascendentis deponens, se ad inferiora corporis humani membra effundat; Rectè ideò, quòd si bifurcatio aliqua inter Truncum Aortæ ascendentem & descendenter inveniatur, contrà naturæ leges esse, monebas. Proinde hac in re Antiquos & plurimos quoque Recentiores, figuris suis crassè hallucinatos esse manifestè satis patet. Clarissimorum Virorum, Vesalii, Casserii, Bartholini & Laurentii figuræ hac in materia mihi nullo modo satisfacere possunt: siquidem omnino à recta delineationis via discessisse, mihi videntur: Nec magis mihi quoque arridet illa delineatio, quam in Tabula vigesima tertia Professoris Bidloï deprehendo, in qua Aortæ Trunci cum ramis subclaviis crucem quasi referunt: Tale quid neque in præparatis Tuis, neque ullis in cadaveribus, me presente, à Te dissectis, me unquam vidisse, fateor; in nonnullis autem bestiis tale quid reperiri posse, haud inficias eo.

Lubens insuper fateor, in nullis Authorum figuris tam veram

per-

perfectamque, Arteriarum per Cordis substantiam distributarum delineationem me antehac nunquam vidisse, quām in Cadaveribus Tuis, tribus circiter abhinc septimanis, ut & in Cordibus humaniis à plurimis ja[n] annis Balsamo induratis, quæ, quod certè admiratione dignum, præter colorem naturalem, pulchrè indurata, nullas ferè exhibebant rugas, Pulmonisque haud destituta, naturalem tamen conservarant situm, secus ac in variorum Authorum Tabulis, quorum figuræ Corda, secundum longitudinem corporis posita, exhibent; Tua verò planè obliquam sedem, mucrone nimirum in lèvam vergente, retinuerunt, undè rectè addebas, cordis pulsationem non in pectoris medio, sed circa sinistram thoraci partem sentiri.

Non inconcinnum proindé, Cl. Vir, imò utilissimum & omnino necessarium fore existimo, si datâ occasione, non modò antedictorum cordis Auricularum vasorum, verùm etiàm ipsius Cordis, ut & Arteriæ Magnæ, illiusque divisionis, distinctam per figuræ excudi curares delineationem, hac enim methodo, studio Anatomico incumbentes, ad perfectam cognitionem pervenire poterunt; Nec dubitare ausim, Vir Clariss: quin petitionem tam justam à Te flagitanti non sis recusaturus, quandoquidem certus sum, Te eruditio[n]em potius promovere, ac in aliis fovere, quām in Temetipso admirari velle. Vale Vir Clarissime, & me, ut soles, ama.

T. T.

Dab Amstelædami,

Non. Decemb.

M.D.C.XCV.

JOH. GAUBIUS.

FRE-

FREDERICI RUYSCHII
R E S P O N S I O.

Ad eruditum

D^{num}. JOHANNEM GAUBIUM,

*Philomedicum, ad Epistolam ejus Anatomicam,
Problematicam Tertiam.*

БРАНДСКИЙ РУАЧНИЙ

ОГУШКОВЪ

ЛІТІВІ

МОДУЛЬ МІЖДІНОВЪ

Ornatissime Vir.

N ultimis & tertiiis ad me datis litteris, video, quòd ultra merita laudibus me exornare coneris, id imposterum parcus, ut fiat, etiam atque etiam rogo: non enim ignoras, uti rectè mones, nihil mihi magis curæ cordique esse, quàm ut eruditio- nem promovere ac in iis, qui digni habentur, fo- vere potius, quàm in me illam admirari, aut tantis, auribus certè mihi ingratis, evehi velim laudibus.

Interim Cordis Auriculas à me nuper in collegio privato demon- stratas, ad incudem híc à Te revocari, percipio; quæ ne genio suo vitali & pabulo fraudulentur, peculiaribus arteriis opus habent, ut sanguis arteriosus requisita ad nutritionem quantitate ad illas pro- laberetur.

Rectè judicas, tale quid à nemine hactenus Anatomicorum fuisse demonstratum; immò mirandum est quòd hasce arterias adeò ma- gnas & satìs apparentes haud viderit Professor Bidlous, qui pu- blicè gloriatur, se hujus nostræ inventionis, præparandi & con- servandi cadavera, gnarum non solummodò, verùm etiam jam ante me eam possedisse: Mirari certè subit, quòd figuræ illarum arteriarum, quæ hoc nostro artificio facilè fese videndas exhibit, non viderit, neque Tabulis suis inseri jusserit. Jure merito mihi filioque artificii hujus inventionem attribuo, & si illi ante me in- notuit, cur publicè, sicut ego feci, illud æstate, & quidem diebus canicularibus non demonstravit? Ad artificium hoc requiritur, non solùm, ut omnia totius corporis vasa sanguiflua, & præser- tim arteriosa, nullis, & nequidem illis, quæ per tunicam Ossi- cula Auditus investientem sparguntur exceptis, sanguine justa quantitate infarcta, exhibeantur; sed etiam ut ita rigida sint, quò corpore humano eximi possint cum suis ramusculis; Non se- mel vobis exhibui in collegio privato vasa sanguifera per Lienem, Pulmonem. Hepar, & alias partes distributa, adeò rigida, ru- broque colore perfusa, ut non solùm rami, verùm etiam ramo- rum ramusculi minutissimi, glandulosa substantia exuti & ex- fiscati, conspici potuerint, suntque dicti ramusculi adeò subtile, ut nunquam tale quid viderim, vel ab aliis audiverim.

Secundò, requiritur in hoc artificio, ut cadavera temporis suc-

cessu saturatiorem rubedinem præ se ferant, Hoc palam est in caveribus nostris præteritō annō à me publicè demonstratis, quorum alterum absque pigmento, penillo, fucove nunc factum est multò venustius ac rubicundiore colere perfusum, ac olim.

Tertiò, postulatur in eo artificio, ut ejus ope in cadaveribus ita præparatis, & post biennium conservatis, variæ quoque particulæ, immò minutissimæ conspiciantur, quæ aliâs neque in vivo, neque in corpore jamjam denato, videri possunt.

Quartò, à contractione rugarum præternaturalium immunia esse debent cadavera, arte eâ præparata, & conservata.

Quintò, qui gnarus est dicti artificii, noverit etiam Lymphæductus manifestare, idque aliquot post mortem annos, sicuti in collegio privato eos indigitare soleo: & quod magis mirandum, dicti Lymphæ ductus, Lymphâ griseâ turgidi, colore ultrà biennium conservarunt, nec est cur dubitem, quin per seculum eundem colore retenturi sint, modò cadavera, ut soleo, conserventur.

Sexto, cui notum est hoc nostrum artificium, illi quoque aperitur fenestra manifestandi arteriarum extrema quòd scilicet ea in omnibus corporis partibus haud sint ejusdem constitutionis, neque ubique in corporis reticulare faceant; & quòd per consequens in sanguinis transitu ex arteriis in venas diversitas quædam exsurgat, prout illa in hac vel illa parte peragit.

Septimò, ignarus quoque non erit, quid sint Glandulæ congregatae, easque neutiquam tales esse nexus, quales dicuntur à Neotericis.

Octavo, noverit quoque, aut saltem facilè perveniet ad notitiam, quòd non nullarum arteriarum extremitates fricatione in simplici aqua sint dissolubiles, recenter quamvis è corpore exemptæ, hasce cum contentis si quis pro parenchymate Antiquorum habere velit, non repugno.

Nonò, ope hujus inventi manifestavi quoque discipulis meis, liquorem, ad humectandos oculos destinatum, & in tenuissimis Palpebrarum vasculis contentum, ita posse condensati & præcipitari, ut post mortem distinctissime in conspectum producatur.

Ejusmodi Cadaveribus Juvenum, ultra biennium conservatis, si ejus Musæum instruētum atque ornatum habet, quare hactenus non exposuit demonstranda, ut ego feci præteritis diebus canicularibus?

Artificium hoc nostrum in tenebris hactenus latuisse luce meridianâ

dianâ clarius constat, illudque confirmant variorum Anatomicorum figuræ, quæ parcè & frugaliter variis in librorum locis exhibitæ, conspicuntur.

Si Deus T. Opt. Max. vitam, valetudinem, ac otium mihi dignabitur largiri, hujus artificii ope plura, Anatomicis hactenus incognita, me in lucem prolaturum spero. Sed ut ad viam, unde digressus sum, redeam: Arteriis Cordis substantiam pervagantibus Coroniarum nomen imposuerunt Authores, idque meritò, quandoquidem trunculis suis ex Aortæ radice, supra valvulas semilunares oriundæ, Cordis basin ambiunt; nemo autem hactenus numerosam earum prolem, & divaricationes, ut distinctè sese videntas exhibeant, perfectè delineavit (vide Tab: tertiae fig. 1.) multò minus arterias, per Cordis Auriculas innumeris ramulis superbientes; Hæ autem ab Arteria Coronaria in utroque latere prodeentes, per Cordis Auriculas quaquaversum disseminantur, dicunturque à me Cordis Arteriæ Auriculares, quarum usus est sanguinis arteriosi debitam quantitatem auriculis largiri ad nutritionem & calefactionem.

Supradictæ Arteriæ Coronariæ per cordis substantiam disseminatae non solùm Cordi, ut & ejus auriculis sanguinem impertiunt arteriosum, verùm etiam Tunicis radicis Trunci Aortæ, id quod ab aliis quoque nondum vidi observatum, neque delineatum, vid. Tab. 3. fig. 1. Lit. D. quam ut accuratè repræsentarem, haud solùm ipfemet delineavi, verùm etiam auxiliares manus sculptori adhibui, sicuti quoque feci in præcedente Tabula 2. in qua Arteriarum ramiculi minutissimi repræsentantur.

Quòad divisionem Aortæ in Truncum ascendentem & descendenter, quemadmodum à Clar: Professore Bidloo in Tab. vigesima tertia repræsentatur, eò pactò me nunquam in corpore humano Aortæ constitutionem vidisse, neque in præparatis meis extare, rectè notasti; multò minus memini, me unquam observasse in corpore humano Arterias Subclavias pari passu & æquali ferè capacitate aut diametro emergere, idque è regione sicuti in dicti Professoris Bidloï Tabulis repræsentatur: Præterea illud neutiquam convenire, cum figura ab oculatissimo Louwero in lucem prodita, palam est.

Arteriæ Magnæ, seu Aortæ, truncus è sinistro cordis sinu prodiens, sursum quidem vergit, statim verò arcuatus deorsum reflectitur, nomenque mutans, dicitur Truncus Aortæ descendens; in ea incurvatione, Aorta ramos aliquot largitur partibus supra Coris, & præsertim Subclavios Carotidesque, & quod notandum in

dextro latere ut plurimum, si non semper, arteria carotis & subclavia sibi invicem aliquantò spatiō ad exortum in unum coalitæ sunt, secus ac in latere sinistro, ubi seorsum ex Aorta ut plurimum prodeunt, quemadmodum Tabulæ tertiae figura secunda indigit.

Ita ut Aorta propriè in duos Truncos à natura haud sit divisa, unus enim idemque est Truncus ascendens & descendens: Siquis tamen hanc Aortam, quatenus ascendit, ascendentem, & quatenus descendit, descendentem nominare velit, non renua; neutiquam verò eam in duas partes ità separatam atque divisam offendit in homine, ut altera pars ascendat, altera descendat, quemadmodum in figuris variorum authorum repræsentatur; Hisce benè consideratis, constabit partes supra Cor sitas, non magis ditatas esse arteriis oriundis è trunco ascendentे quàm descendente, nam inter ascensum & descensum largitur Aorta, ut dixi, arterias subclavias & carotides, vide tabulæ tertiae fig. 2.


Hisce petitioni Tuæ me fatis fecisse reor, & sic finem, ob temporis penuriam, imponere cogor; maneo interim Or: Vir toto pectore.


Totus Tuus




FREDERICUS RUYSCHIUS.


Dab. Amstelodami
10 Decemb.
1695.


















TABULA hæc tertia tres exhibet Figuras, quarum prima radicem Aortæ cum suis ramificationibus per Cordis humani substantiam ejusque Auriculas, nec non per Tunicas Aortæ disseminatis, continet.

Secunda autem demonstrat Cor Pueri cum annexis vasorum Truncis; estque hæc figura facta ad objectum à biennio denatum & tam nitidè præparatum atque induratum, ut omnia ferè vasa arteriosa cum suis ramificationibus, quæ supra Cordis dorsum exspatiantur, conspici possint.

Tertia demum Aortæ Truncum, cum abscissis ramis, idque è corpore hominis adulti, indigitat.

FIGURÆ PRIMÆ EXPLANATIO.

- | | |
|--|---|
| A. Radix Trunci Aortæ, è cuius utroque latere emergunt, | radicis Aortæ disseminati. |
| B.B. Arteriæ Coronariæ | E. E. E. Arteriæ numerosissima prole per Cordis substantiam dispersæ. |
| C.C. Arteriæ per Cordis Auriculas xcurrentes. | F.F. Trunci Arteriarum coronarum abscissi, ac pro Cordis postica parte destinati. |
| D. Ramusculi arteriosi ex Arteria Coronaria oriundi, & per tunicas | |

FIGURÆ SECUNDÆ INDIGITATIO.

- | | |
|--|--|
| A. Cor Pueri, decem circiter annorum. | prospicientes. |
| B.B. Arteriæ per cordis substantiam disseminatae. | L. Truncus venæ Cavæ ascendens. |
| C. Auricula cordis dextra. | M. Truncus venæ Cavæ descendens. |
| D. Truncus Aortæ, è sinistro Cordis sinu emergens, & assurgens. | N. Arteriæ per Cordis auriculam dextram distributæ, atque ex Arteria Coronaria oriundæ. |
| E. Truncus Aortæ descendens. | O. Radix arteriæ Pulmonalis, è dextro Cordis Thalamo prodiens. |
| F. Arteria Subclavia dextra, Carotidi dextræ aliquantò spatiō unita. | P.P. Arteriolæ ab arteriis mammaiis internis ortæ, & per tunicas Aortæ distributæ. |
| G. Arteria subclavia sinistra, Arteriæ Cervicali copulata, estque hæc præcedente diametro minor. | Notandum interim omnes dictas arterias productiores esse, quam hic repræsentantur; sunt enim abscissæ, ita ut tantum eorum extortus hic indigitetur. |
| H.H. Utraque Arteria Carotis. | |
| I. Arteria Cervicalis sinistra. | |
| K. Arteriola ex Arteria Coronaria oriundæ tunicis radicis Aortæ | |

FIGURÆ TERTIÆ EXPLICATIO.

- | | |
|--|---|
| A. Truncus Aortæ hominis adulti. | D. Arteria Carotis lateris sinistri. |
| B. Arteriaæ Subclaviæ dextræ ramus , è quo arteria carotis dextra emergit. Lit. C. notata. | E. Arteria subclavia sinistra. |
| | F. Rami arteriosi ex arteria corona-
ria orti. |





